



# **basic education**

Department:  
Basic Education  
**REPUBLIC OF SOUTH AFRICA**

## **NATIONAL SENIOR CERTIFICATE**

**KREITI YA 12**

**SEPEDI LELEME LA GAE (HL)**

**LEPHEPHE LA BORARO (P3)**

**DIBATSELA 2019**

**TLHAHLO YA GO SWAYA**

**MEPUTSO: 100**

**Palomoka ya matlakala a tlhahlo ya go swaya ke 9.**

**ELA HLOKO:**

- Diriša rubriki ye ge o swaya ditaodišo (Lephephe la 3, KAROLO YA A)
- Meputso ya 0–50 e arotšwe ka magato a mahlano a ditlhalošo
- Mo go diteng, polelo le mongwalelo le legato le lengwe le le lengwe la magato a ditlhalošo a mahlano le arotšwe ka dikarowlana tše pedi, e lego legato la godimo le la fase go lebeletšwe kabo ya meputso le ditlhalošo
- Sebopego ga se sa arolwa ka legato la godimo le la fase

**KAROLO YA A: RUBRIKI YA GO SWAYA DITAODIŠO [MEPUTSO YE 50]**

Dinyakwa		Bokgoni bja go ikgetha	Bokgoni bja maemo	Bokgoni bja magareng	Bokgoni bja motheo	Ga go bokgoni
<b>DITENG LE PEAKANYO</b>  (Go araba dipotšišo) Tatelano ya dikgopolole go dirwa peakanyo. Temogo ya morero, baamogedi ba tshedimoso le dikamano.	<b>Legato la godimo</b>	<b>28–30</b>  -Bokgoni bja go araba potšišo ke bja maemo a godimodimo go fetiša -Dikgopolole tsha go laetša bohlale, tsha go hlohla mabjoko tseo di tšweletšago tsebo ye e tseneletšego -Peakanyo le tlemagano ke tseo di ikgethilego mo go matseno, mmele le mafetšo	<b>22–24</b>  -Potšišo e arabilwe gabotsebotse -Dikgopolole di kgahliša kudu ebole di sepelelana le hlogo/sererwa -Peakanyo le tlemagano ya dikgopolole ke tše dikaone mo go matseno, mmele le mafetšo	<b>16–18</b>  -Karabo e a kgotsofatsa -Dikgopolole di tlemagane ebole di a kgodiša -Peakanyo le tlemagano ya dikgopolole ke tše dikaone mo go matseno, mmele le mafetšo	<b>10–12</b>  -Tlemagano ya dikgopolole ga se ya maleba -Dikgopolole ga di tšwelele gabotse ebole ga di bontšhe boitlhamelo -Tatelano le tlemagano ya dikgopolole di tšwelela gannyane	<b>4–6</b>  -Molekwa o tšwele tseleng kudukudu -Dikgopolole di hlakahlakane ebole ga di nepiše -Dikgopolole ga di nepiše hlogo ebole di a ipoeletša -Ga go telanalo le tlemagano ya dikgopolole
<b>MEPUTSO YE 30</b>	<b>Legato la fase</b>	<b>25–27</b>  -Bokgoni bja go araba potšišo ke bja maemo a godimodimo -Dikgopolole tsha go laetša bohlale, tsha go hlohla mabjoko tseo di tšweletšago tsebo ye e tseneletšego -Bokgoni bja maemo a godimo bja go beakanya le go tlemaganya dikgopolole mo go matseno, mmele le mafetšo	<b>19–21</b>  -Potšišo e arabilwe gabotse -Dikgopolole di a kgahliša ebole di sepelelana le hlogo/sererwa -Peakanyo le tlemagano ya dikgopolole ke tše dibotse mo go matseno, mmele le mafetšo	<b>13–15</b>  -Potšišo e arabilwe ka mo go kgotsofatsago eupša ga se ya hlaka gabotse -Tlemagano ya dikgopolole e a kgotsofatsa ebole e a kgodiša -Peakanyo le tlemagano ya dikgopolole di a kgotsofatsa mo go matseno, mmele le mafetšo	<b>7–9</b>  -Molekwa o tšwele tseleng -Dikgopolole di hlakahlakane -Ga go peakanyo goba tlemagano ya dikgopolole yeo e tšwelelago	<b>0–3</b>  -Ga go bolelwe selo ka hlogo yeo e filwego -O tšwele tseleng kudukudu -Diteng ga di nepiše ebole di hlakahlakane

POLELO, MONGWALELO LE PALOBOHLATSE		14–15	11–12	8–9	5–6	0–3
Segalo, retšistara, mongwalelo, tlotlontšu ya maleba ya morero le dikamano Kgetho ya mantšu. Tirišo ya polelo le melawana, maswao, popopolelo le mopeleto	<b>Legato la godimo</b>	<ul style="list-style-type: none"> <li>-Segalo, retšistara, setaele le tlotlontšu di sepelelana kudukudu le morero, baamogedi le dikamano</li> <li>-Polelo ke ya boitshepo, ya go nona, ya maatlakgogedi</li> <li>-Polelo e na le segalo sa go ba le maatlakgogedi ebile e nonne ka mebolelwana ya go kgahliša</li> <li>-Ga go na le ge e ka ba phošwana e tee ya popopolelo le mopeleto</li> <li>-Polelo e beakantšwe ka bokgwari bja maemo a godimodimo</li> </ul>	<ul style="list-style-type: none"> <li>-Segalo, retšistara, setaele le tlotlontšu di sepelelana gabotsebotse le morero, baamogedi le dikamano</li> <li>-Polelo e na le maatla, ya segalo sa maleba</li> <li>-Diphoso tša popopolelo le mopeleto ga se tše kae</li> <li>-Polelo e beakantšwe gabotsebotse</li> </ul>	<ul style="list-style-type: none"> <li>-Segalo, retšistara, setaele le tlotlontšu di sepelelana gabotse le morero, baamogedi le dikamano</li> <li>-Tirišo ya maleba ya polelo e dira gore molaetša o kwagale</li> <li>-Segalo ke sa maleba.</li> <li>-Mebolelwana e dirišitšwe go godiša boleng bja diteng</li> </ul>	<ul style="list-style-type: none"> <li>-Segalo, retšistara, setaele le tlotlontšu di sepelelana gannyane le morero, baamogedi le dikamano</li> <li>-Tirišo ya polelo ke ya motheo</li> <li>-Segalo le mošito ga se tša maleba</li> <li>-Tlotlontšu ke ye nnyane kudukudu moo e lego gore e dira gore ditaba di se kwešišagale</li> </ul>	
<b>MEPUTSO YE 15</b>		<b>13</b>	<b>10</b>	<b>7</b>	<b>4</b>	
	<b>Legato la fase</b>	<ul style="list-style-type: none"> <li>-Polelo ya maemo a godimodimo ya go ba le segalo se maatla</li> <li>-Ga go na le ge e ka ba phošwana e tee ya popopolelo goba mopeleto</li> <li>-Polelo e beakantšwe ka bokgwari</li> </ul>	<ul style="list-style-type: none"> <li>-Polelo ke ya maemo a godimo ya go ba le maatlakgogedi</li> <li>-Segalo ke sa maleba sa go ba le maatlakgogedi</li> <li>-Diphoswana tše nnyane tša popopolelo le mopeleto</li> <li>-Polelo e beakantšwe gabotse</li> </ul>	<ul style="list-style-type: none"> <li>-Tirišo ya polelo e a kgotsofatša eupša e na le diphoso</li> <li>-Segalo se a kgotsofatša eupša mebolelwana ga se ya dirišwa o kaalo</li> </ul>	<ul style="list-style-type: none"> <li>-Polelo ga e kgotsofatše</li> <li>-Ga go phapantšho ya mafoko</li> <li>-Tlotlontšu ga se ye kaalo</li> </ul>	
<b>SEBOPEGO</b>		<b>5</b>	<b>4</b>	<b>3</b>	<b>2</b>	<b>0–1</b>
Dinyakwa/Dipharologantšho tša setšweletšwa. Tšwetšopele ya ditemana le tlhamo ya mafoko.		<ul style="list-style-type: none"> <li>-Tšwetšopele ya sererwa ke ya maemo a godimodimo</li> <li>-Tlhahlošo ya dikgopolole ya maemo a godimodimo</li> <li>-Tlhahlo ya mafoko le ditemana ke ya go ikgetha, ya maemo a godimodimo</li> </ul>	<ul style="list-style-type: none"> <li>-Tatelano ye botse ya tšwetšopele ya dintlha</li> <li>-Tlemagano ye botse ya dintlha le dikgopolole</li> <li>-Mafoko le ditemana di beakantšwe ka makgethe</li> </ul>	<ul style="list-style-type: none"> <li>-Dintlha tša maleba di tšweleditšwe</li> <li>-Mafoko le ditemana di hlamegile gabotse</li> <li>-Taodišo e a kwagala</li> </ul>	<ul style="list-style-type: none"> <li>-Dintlha tša maleba ga se tše kae</li> <li>-Mafoko le ditemana di na le diphoso</li> <li>-Taodišo e a kwagala eupša e na le mafokodi</li> </ul>	<ul style="list-style-type: none"> <li>-Dintlha tša maleba ga di gona</li> <li>-Mafoko le ditemana di fošagetše</li> <li>-Taodišo ga e kwagale</li> </ul>
<b>MEPUTSO YE 5</b>						

**KAROLO YA B: RUBRIKI YA GO SWAYA DITŠWELETŠWA TŠE TELELE TŠA TIRIŠANO [MEPUTSO YE 25]**

Dinyakwa	Bokgoni bja go ikgetha	Bokgoni bja maemo	Bokgoni bja magareng	Bokgoni bja motheo	Ga go bokgoni
<b>DITENG, PEAKANYO LE SEBOPEGO</b>  -Go araba dipotšišo le dikgopoloo. -Tatelano le peakanyo ya dikgopoloo. -Morero, baamogedi, dinyakwa/dipharologantsho le dikamano.	<b>13–15</b>  -Bokgoni bja go araba potšišo ke bja maemo a godimodimo go fetiša -Dikgopoloo ke tša go laetša bohlale, le go hlohlia mabjoko -Tsebo ke ye e tseneletšego ya dinyakwa tša mohuta wa setšweletšwa -Ditaba di nepiša setšweletšwa thwi -Tlemagano ya diteng le dikgopoloo ke ya maemo a godimo -Tlhalošo ya ditaba ke ya maemo a godimo ebile e thekga sererwa -Sebopego ke sa maleba sa go sepelelana le setšweletšwa	<b>10–12</b>  -Bokgoni bjo bobotsebotse bja go araba potšišo bjoo bo laetšago tsebo ye botse ya mohuta wa setšweletšwa -Ditaba di nepiša setšweletšwa -Molekwa ga se a tšwa tseleng -Tlemagano ya diteng le dikgopoloo ke ye botse -Tlhalošo ya ditaba ke ye botse ebile e thekga sererwa -Sebopego ke sa maleba eupša se na le diphoswana di se kae	<b>7–9</b>  -Bokgoni bja go kgotsofatsa bja go araba potšišo bja go laetša tsebo ye nnyane ya dinyakwa tša mohuta wa setšweletšwa -Go na le nepišo eupša go na le go tšwa tseleng gannyanne -Tlemagano ya dikgopoloo le dikamano e a kgotsofatsa -Tlhalošo ya ditaba ke ye botse ebile e thekga sererwa -Sebopego ke sa maleba eupša se na le diphoswana di tše dintšinyana	<b>4–6</b>  -Bokgoni bja motheo bja go araba potšišo bja go laetša tsebo ye nnyane ya dinyakwa tša mohuta wa setšweletšwa -Go na le nepišo eupša go na le go tšwa tseleng -Tlemagano ya diteng le dikgopoloo ga se ye kaalo -Tlhalošo ya ditaba ke ye motheo ebile e thekga sererwa gannyanne -Melao ya sebopego ga se ya šomišwa ka tshwanelo -Go tlogetšwe dintlhla tše bohlokwa	<b>0–3</b>  -Karabo ya gagwe ga e laetše tsebo le ye nnyane ya mohuta wa setšweletšwa -Molaetša ga o tšwelele gabotse ka ge molekwa a tšwele tseleng kudukudu. -Ga go tlemagano ya diteng le dikgopoloo -Ditaba di tlhalošwa gannyanne -Sebopego sa setšweletšwa ga se sona
<b>MEPUTSO YE 15</b>	<b>9–10</b>	<b>7–8</b>	<b>5–6</b>	<b>3–4</b>	<b>0–2</b>
<b>POLELO, SETAELE LE PALOBOHLATSE</b>  Segalo, retšistara, setaele, morero, baamogedi le dikamano. Tirišo ya polelo le melawana. Kgetho ya mantšu. Maswao le mopeleto.	-Segalo, retšistara, setaele le tlolontšu di sepelelana gabotsebotse le morero, baamogedi le dikamano -Polelo e nepagetše ebile e tlamegile gabotse -Ga go na le ge e ka ba phošo e tee ya popopolelo le mopeleto	-Segalo, retšistara, setaele le tlolontšu di sepelelana gabotse le morero, baamogedi le dikamano -Polelo ga e na diphoswana tša popopolelo ebile e tlamegile gabotse -Tlolontšu ke ye ntši -Diphoswana ga se tše dintši	-Segalo, retšistara, setaele le tlolontšu di sepelelana gabotse le morero, baamogedi le dikamano -Diphoswana tša popopolelo ga se tše dintši -Tlolontšu ke yeo e nepagetše ebile e tlletše ka diphoswana -Diphoswana tše di lego gona ga di fetoše molaetša	-Segalo, retšistara, setaele le tlolontšu ga di sepelelana gabotse le morero, baamogedi le dikamano -Popopolelo ga se yeo e nepagetše ebile e tlletše ka diphoswana -Tlolontšu ga se ye ntši -Molaetša o a tšwelele eupša o arošitšwe	-Segalo, retšistara, setaele le tlolontšu ga di sepelelana le morero, baamogedi le dikamano -Sengwalo se tletše ka diphoswana ebile se tlakahlakane -Tlolontšu yeo e lego gona ga e sepelelana le morero le gannyanne -Molaetša ga o tšwelele gannyanne
<b>MEPUTSO YE 10</b>					

**ELA HLOKO:**

- Dintlha tše di filwego ka tlase ga hlogo ye nngwe le ye nngwe ke tša go hlalha baswai fela
- Kwešišo ya molekwa ya hlogo yeo a e kgethilego e elwe šedi le ge dintlha tša gagwe di fapani le tše di filwego

**KAROLO YA A: DITAODIŠO****POTŠIŠO YA 1**

Balekwa ba ngwale taodišo ya mantšu a 400–450 ka hlogo E TEE ya tše di filwego. Ba ka ngwala ka mehuta ye e latelago ya ditaodišo: Kanegelo, tlhalošo, kgadimo, kahlaahlo, ngangišano goba tswalano ya tšona.

**1.1 LETŠATŠI LEO KE BE KE LE NALETŠANA.**

Go letetšwe gore molekwa a ngwale ka tiragalo yeo e diregilego ka letšatši le tee. Tiragalo e be ye e thabišago. Molekwa a bonagale a kgatha tema tiragalang yeo. Kanegelo e tšweletšwe ka motho wa pele le ka lebaka le le fetilego.

[50]

**1.2 KE NAKO ...**

Go letetšwe gore molekwa a laetše gore seo se bego se letetšwe nako ya gona e fihlile. A se utolle ka botlalo. A fe mabaka a tetelo ya sona.

[50]

**1.3 GO KGAOTŠWA GA MOHLAGASE KE BA ESKOM.**

Go letetšwe gore molekwa a bontšhe go kgaotšwa ga mohlagase ke ba Eskom le ditlamorago tša gona. Go tšweletšwe maikutlo a badudi ba naga. Eskom yona e reng?

[50]

**1.4 BOHLOKWA BJA BOUTU YA KA DIKGETHONG.**

Go letetšwe gore molekwa a ngwale ka mokgwa wo boutu ya gagwe e tlišago diphetogo ka gona. Ke eng se se mo hlohleletšago gore a boute. Go ngwalwe ka motho wa pele. Molekwa a ka ngwala ka lebaka la lebjale, la letlago goba la lefetile.

[50]

**1.5 O SE BONE THOLABORELEDI ... DUMELA GOBA O GANETŠE.**

Go letetšwe gore molekwa a tšweletše lehlakore leo a le kgethago, go dumela goba go ganetša. Go nganga a laetša botse bja ka ntle le ka gare le go nganga a laetša botse bja ka ntle le bobe bja ka gare. Tlhahlošothwii goba tlhalošo ya seka e amogelwe.

[50]

1.6 Tlhathollo ya ditšweletšwa tša go bonwa e akaretša mehuta ya ditaodišo ka moka

- Molekwa o ikgethela seswantšho gomme a ngwala taodišo ka mohuta woo a o nyalantšhago le seswantšho seo

1.6.1 Go letetšwe gore molekwa a tšweletše sengwalwa sa gagwe ka tlhathollo ya seo se tšweletšwago seswantšhong ntle le go fetola kgopolokgolo. Thuto ke lesedi/lebone. A laetše tswalano ya go bala le tsebo. Go bala dipuku ka leihlo le mogopolo wo o feletšego go godiša kwešišo ya tshedimošo. Motho wa go bala o gata ka mošito le ditiragalo tša tšatši ka tšatši. Molekwa a bontšhe ka mo lesedi la thuto e lego bophelo ka gona, bohlokwa bja thuto ke pheko ya bokamoso bja go phadima.

[50]

1.6.2 Go letetšwe gore molekwa a tšweletše sengwalwa sa gagwe ka tlhathollo ya seo se tšweletšwago seswantšhong ntle le go fetola kgopolokgolo. Go laetše gore motho o kwešitšwe bohloko ke seo a se ratago. Tiragalo yeo e tlišitšego bohloko e bontšhwe ka botlalo. Mmele ga o sa kgohlagana ka lebaka la pelo go kwa bohloko. Sephetho se se tšerwego sa go lahlela pelo ye e robegilego ditlakaleng ke go lebala ka tiragalo/seo se tlišitšego bohloko gore motho a fole gomme bophelo bo tšwele pele.

[50]

1.6.3 Go letetšwe gore molekwa a tšweletše sengwalwa sa gagwe ka tlhathollo ya seo se tšweletšwago seswantšhong ntle le go fetola kgopolokgolo. Go laetše ka moo ngwana yo a nago le phegelelo ya katlego ka gona, morago ga mathata ao a bego a mo aparetše. O na le tshepo le kholofelo ya bokamoso bja go phadima.

[50]

**PALOMOKA YA KAROLO YA A:**

50

**KAROLO YA B: DITŠWELETŠWA TŠA TIRIŠANO****POTŠIŠO YA 2****2.1 LENGWALO LA SEGWERA****Mohlala mabapi le diteng tša sererwa:**

Go letetšwe gore molekwa a hlalošetše malomeagwe ka tshenyo ye e dirilwego ke ledimo ge a sa ile moše. Go ngwalwe ka motho wa pele le ka lebaka le le fetilego.

**Sebopego le diponagalo/dinyakwa**

- Sebopego le botelele e be tša maleba
- Atrese e tee fela ya mongwadi/moromedi
- Letšatšikgwedi le ngwalwe ka tlase ga atrese
- Madume/Matseno a makopana a maleba
- Retšistara le polelo e be tša segwera
- Mongwalo e be wa semmušo
- Tšhomisopolelo, tlotlontšu le maswaodikga e be tše di nepagetšego
- Mafelelo/Bofelo e be boitsebišo bja mongwadi ka mokgwa wa setlwaedi
- Mohlala: Ke nna/Wa lena/Motlogolo wa lena Semakaleng
- Mongwadi wa lengwalo ga se a swanela go ngwala leina le sefane, eupša leina la gagwe fela goba sereto

[25]

**2.2 LENGWALO LA GO KGOPELA MOŠOMO****Mohlala mabapi le diteng tša sererwa:**

Go letetšwe gore molekwa a laetše gore kwalakwatšo e tšweletše kae. Lebaka la kgopelo ya mošomo. Diteng di akaretše tshedimošo ye e filwego kwalakwatšong.

**Sebopego le diponagalo/dinyakwa**

- Sebopego le botelele e be tša maleba
- Diatrese tše pedi, e lego ya mongwadi le moamogedi
- Letšatšikgwedi le ngwalwe ka fase ga atrese ya mongwadi
- Madume/Matseno a makopana a maleba
- Diteng e be tša maleba tša go kgopela mošomo wa go amogela baeng hoteleng.
- Retšistara le polelo e be tša semmušo
- Tšhomisopolelo, tlotlontšu le maswaodikga e be tše di nepagetšego
- Mafelelo/Bofelo e be boitsebišo bja mongwadi le mosaeno
- Mohlala: Ke nna/Wa lena Mosima Radithoko/M Radithoko

[25]

## 2.3 BOITSEBIŠOPHELO

- Tša dithuto
- Maitemogelo a mošomo/Tša mošomo
- Dihlatse

### LENGWALO LA KGOPELO YA MOŠOMO

- Retšistara le polelo e be tše di fodilego, tša semmušo
- Sebopego le botelele tša maleba
- Atrese ya mongwadi/moromedi (Ka letsogong la go ja)
- Atrese ya moamogedi/moromelwa (Ka letsogong la mpati/nngele)
- Madume/Matseno le hlogo ya taba
- Tšhomisopolelo, tlottontšu le maswaodikga e be tša maleba
- Mafelelo/Bofelo le leina:

Ka boikokobetšo

JM Nkadimeng (Mdi)

[25]

## 2.4 POTŠIŠOTHERIŠANO

### Mohlala mabapi le diteng tša sererwa:

Go letetšwe gore molekwa a bontšhe dipotšišo le dikarabo gare ga mmotšiši le mmotšišwa. Tšona di akaretše maikutlo, maikemišetšo le tlhohleletšo go bafsa.

#### Sebopego le diponagalo/dinyakwa

- Go šomišwe dithekni ki tša potšišotherišano
- Go be le mmotšiši le mmotšišwa
- Go fiwe maina a diboledi ka lehlakoreng la nngele la letlakala
- Go šomišwe mothaladi wo mofsa go laetša seboleki se sengwe le se sengwe se sefsa
- Mmotšišwa a hlohlwe ka go botšišwa dipotšišo tša go lebana le diphadišano tša lefase tša boramahlale ba bannyanne
- Go šomišwe dithekni ki tša potšišotherišano go ya ka magato a a latelago:
  - Matseno e lego boitlhalošo a tšweletše morero
  - Kwešišano le kamogelano e be tša go hlola moywa go tshepana
  - Mmotšiši a botšiše dipotšišo go thoma ka tša kakaretšo go ya go tša go ikgetha
  - Dipotšišo e be tša maleba, go šomišwe polelo ya go hlamega, ya go laetša šedi le go tlhohleletša
- Mmotšišwa a arabe ka bokgwari go laetša tsebo

[25]

## 2.5 LENANETHERO LE METSOTSO

### **Mohlala mabapi le diteng tša sererwa:**

Go letetšwe gore molekwa a ngwale dintlha tša go tlaleletša tabakgolo ya letšatši. Molekwa a latele lenanethero leo a le feleleditšego go ngwala metsotso.

### **Sebopego le diponagalo/dinyakwa:**

#### **Lenanethero**

- Go hlaselwa ga kantoro ya hlogo ya sekolo
- Tshenyo ye e hlotšwego
- Magato a a swanetšego go tšewa

#### **Metsotso**

- Thoma ka go ngwala tše di latelago:
  - Leina la mokgatlo
  - Letšatšikgwedi, lefelo le nako yeo kopano e swerwego ka yona
  - Pulo le kamogelo
  - Maina a maloko ao a tlilego
  - Maina a maloko ao a kgopetšego tshwarelo
- Tšweletša dintlhakgolo ka boripana
- Efa kakaretšo ya tše di šišintšwego le gore mafelelong go kwanwe bjang
- Ngwala ka lebaka le le fetilego
- Tšhomisopolelo, tlotlontšu le maswaodikga e be tše di nepagetšego

[25]

## 2.6 TAODIŠWANA (ATHIKELE) YA KGATIŠOBAKA

### **Mohlala mabapi le diteng tša sererwa:**

Go letetšwe gore molekwa a ngwale dintlha mabapi le dintwa tše di atilego ka dikolong. Go tšweletšwe dintlha tša go kgala ditiragalo tše tša go se amogelege.

### **Sebopego le diponagalo/dinyakwa**

- Leina la kgatišobaka
- Letšatšikgwedi
- Hlogo ya taba
- Leina la mmegi
- Dintlha di fiwe ka boripana le ka nepagalo ntle le go kgopamiša nnete
- Go ngwalwe ditaba tše bohlokwa fela
- Diteng di be mabapi le dintwa dikolong le seo se ka dirwago go di fediša
- Taodišwana/Athikele e tsoše kgahlego le go hlohleletša mmadi
- Tšhomisopolelo, tlotlontšu le maswaodikga e be tše di nepagetšego

[25]

**PALOMOKA YA KAROLO YA B:** **50**  
**PALOMOKA YA TLHAHLOBO:** **100**